

Presidente da Asociación de Desenvolvemento Rural

REXISTRO XERAL DA XUNTA DE GALICIA
REXISTRO ELECTRÓNICO

Data 02/04/2019 09:24:44

SAÍDA 225525 / RX 488256



andar. Rúa San Marcos s/n

Modificación da resolución pola que se aprobaron as Normas de xestión da Estratexia de Desenvolvemento Local Participativo (apartado 5 da EDLP) do GDR “Asociación de Desenvolvemento Rural Mariñas Betanzos”I seleccionada polo Acordo do Consello de Dirección de Agader do 16 de novembro de 2016, ao abeiro da medida 19 (LEADER) do PDR de Galicia 2014-2020, para modificar os límites de axuda pública dos proxectos produtivos e non produtivos .

Antecedentes.-

- O Acordo do Consello de Dirección da Agader do 16 de novembro de 2016 polo que se seleccionaron as estratexias de desenvolvemento local e se seleccionaron os GDR como entidades colaboradoras para a xestión da medida 19 (LEADER) do PDR de Galicia 2014-2020 reflectía que os criterios de selección e priorización de proxectos, así como as limitacións sectoriais correspondentes ás normas de xestión das estratexias quedaban pendentes de aprobación definitiva. O citado Acordo do Consello de Dirección delegaba na persoa titular da Dirección xeral de Agader a aprobación definitiva desas normas de xestión, condicionando a selección das estratexias de desenvolvemento local a esta aprobación definitiva.

Tendo en conta a necesidade de concreción e obxectivación dos diferentes criterios que servirán para seleccionar, valorar e priorizar os proxectos, e unha vez concretados entre Agader e o GDR, as limitacións sectoriais, criterios de selección e priorización de proxectos reflectidos nos parágrafos anteriores, a xunta directiva do GDR procedeu á aprobación dos mesmos mediante o Acordo do 16 de novembro de 2016.

Tendo en conta o sinalado nos parágrafos anteriores, emitíuse, o 30/01/2017, a RESOLUCIÓN do director xeral da Agader pola que se aprobaron as normas de xestión da estratexia para o período 2014-2020.

O 16/07/2018 ten entrada no rexistro xeral da Agader (nº de rexistro 3141) unha solicitude de modificación da estratexia de desenvolvemento rural seleccionada, no punto 3 do seu apartado 5 Normas de xestión da EDLP referente ao Límites de axuda pública nos expedientes, coa finalidade de diminuír o importe máximo de axuda que poderían recibir as persoas e/ou entidades promotoras tanto de proxectos produtivos, pasando dun límite máximo de 130.000 € a 50.000 €, como de proxectos non produtivos, pasando dun límite máximo de 60.000 € a 50.000 €; segundo acorda a xunta directiva do GDR realizada o 10 de xullo de 2018. No caso dos proxectos non produtivos, esta nova limitación non afectaría aos proxectos non



produtivos referentes a Viveiros de empresas, incubadoras e espazos para o traballo compartido que seguiría co límite máximo de axuda de 150.000 €.

Fundamentos de dereito.-

-Acordo do Consello de Dirección de Agader do 10 de febreiro de 2016 polo que se aproban as bases reguladoras para a selección de estratexias de desenvolvemento local, para a selección e recoñecemento dos grupos de desenvolvemento rural como entidades colaboradoras na xestión da medida Leader de Galicia e para a concesión da axuda preparatoria, cofinanciada co Fondo Europeo Agrícola de Desenvolvemento Rural (Feader) no marco do PDR de Galicia 2014-2020, e se convoca o correspondente proceso de selección, publicado mediante a Resolución do 11 de febreiro de 2016 (DOG núm. 42, do 2 de marzo).

-Acordo do Consello de Dirección da Agader do 16 de novembro de 2016 polo que se resolve a convocatoria sobre a selección de estratexias de desenvolvemento local e de grupos de desenvolvemento rural como entidades colaboradoras na xestión da medida Leader de Galicia, así como sobre a concesión da axuda preparatoria, cofinanciada co Fondo Agrícola de Desenvolvemento Rural (Feader), no marco do PDR de Galicia 2014-2020.

-Convenio de colaboración do 13 de decembro de 2016 entre a Axencia Galega de desenvolvemento rural (AGADER) e o GDR « Asociación de Desenvolvemento Rural Mariñas-Betanzos», para a aplicación dunha estratexia de desenvolvemento local na medida Leader de Galicia, cofinanciado co Feader no marco do PDR de Galicia 2014-2020.

-Acordo de delegación do 11 de xullo de 2013 do Consello de Dirección da Agader, feito público mediante a Resolución do 24 de xullo de 2013 (DOG nº 148, do 5 de agosto),

Tras comprobar que,

- por unha banda, existen varios proxectos produtivos presentados con anterioridade a esta data pendentes de resolución ou que poden resultar afectados, tanto directa como indirectamente pola aprobación desta modificación do importe máximo de axuda ,pasando dito importe de 130.0000 € a 50.000 € e,
- por outra, non existen ningún proxecto non produtivos presentado con anterioridade a esta data que estea pendentes de resolución ou que poden resultar afectados , tanto directa como indirectamente pola aprobación desta modificación do importe máximo de axuda , pasando dito importe de 60.000 € a 50.000 €

Tendo en conta o informe proposta do subdirector de Relación cos GDR do 25 de marzo de 2019,

RESOLVO:

1. Non autorizar a modificación de resolución do 30/01/2017, do director xeral da Agader pola que se aprobaron as normas de xestión da estratexia para o período 2014-2020, no referente a variación do importe máximo de axuda de proxectos produtivos, pasando de 130.000 € a 50.000 €.



2. Autorizar a modificación da resolución do 30/01/2017, do director xeral da Agader pola que se aprobaron as normas de xestión da estratexia para o período 2014-2020, no referente a variación do importe máximo de axuda de proxectos non produtivos, de xeito que o apartado 3 e o apartado 5 do anexo I da citada resolución, que sinalaba o seguinte:

3. LIMITES DE AXUDA PÚBLICA NOS EXPEDIENTES

LÍMITES PROXECTOS NON-PRODUTIVOS E RELACIÓN PUNTUACIÓN COA PORCENTAXE DE AXUDA

- Límite de axuda máxima para expedientes Non-productivos de creación de viveiros de empresas, incubadoras e espazos para o traballo compartido: 150.000.-€
- Límite de axuda máxima para o resto de proxectos Non-productivos: 60.000.-€

5. BAREMO DE SELECCIÓN PARA PROXECTOS NON-PRODUTIVOS

Límites e cálculo da porcentaxe de axuda:

- Límite de axuda máxima para expedientes de creación de viveiros de empresas, incubadoras e espazos para o traballo compartido: 150.000.-€
- Límite de axuda máxima para o resto dos proxectos: 60.000.-€

- **Substitúese polo seguinte :**

3. LIMITES DE AXUDA PÚBLICA NOS EXPEDIENTES

LÍMITES PROXECTOS NON-PRODUTIVOS E RELACIÓN PUNTUACIÓN COA PORCENTAXE DE AXUDA

- Límite de axuda máxima para expedientes Non-productivos de creación de viveiros de empresas, incubadoras e espazos para o traballo compartido: 150.000.-€
- Límite de axuda máxima para o resto de proxectos Non-productivos: 50.000.-€

5. BAREMO DE SELECCIÓN PARA PROXECTOS NON-PRODUTIVOS

Límites e cálculo da porcentaxe de axuda:

- Límite de axuda máxima para expedientes de creación de viveiros de empresas, incubadoras e espazos para o traballo compartido: 150.000.-€
- Límite de axuda máxima para o resto dos proxectos: 50.000.-€

O resto dos contidos da mesma permanecen inalterables.



Contra esta resolución, que pon fin á vía administrativa, poderá interpoñerse recurso potestativo de reposición ante o Conselle de Dirección da Agader, no prazo dun mes contado dende o día seguinte ao da notificación, ou ben directamente recurso contencioso administrativo ante o Xulgado do Contencioso-administrativo de Santiago de Compostela. Tamén poderá interporse calquera outro recurso que se estime oportuno.

En Santiago de Compostela.

O director xeral de Agader

(Por delegación. Resolución do 24.07.2013. DOG nº 148, do 5 de agosto)

Miguel Ángel Pérez Dubois.

